

中國方志叢書·華中地方·第四三八號


據

清·金鰲輯
清道光二十四年刊本

影印

江蘇省

金陵待徵錄



成文出版社有限公司印行



10096787

中華民國七十二年三月臺一版

金陵待徵錄

全一冊

發行人：黃

成

助

出版者：

成文出版社有限公司

台北郵政信箱二二六〇五號

台北郵政信箱二二六〇五號

台北市杭州南路一段6巷9號3F

印刷者：

上林彩色印刷有限公司

電話：三九一六四一〇（五線）

新聞局出版登記證：局版台業字第一四三號

台北市大理街145號

金陵待徵錄序

網羅舊聞儒者職也而往往出於畸人逸士明盛仲交貧異才作棲霞祈澤牛首方山志周吉甫几格不虛巾箱常滿作瑣事初二三集剩錄二人皆諸生紆青紫者不逮焉雖然吉甫仲交志山寺錄瑣事耳考古必以正史爲宗不挾矜奇好異之見而濟以記醜言僞之才一事不貫首尾恐不能定是非一人不綜始末懼不能辨賢否或據名德之文集地志之近雅者小說雜家俚俗相傳均不汙其簡牘而古迹第宅亦不如牙人量界徒爲穿鑿乃著作之善者也唐李肇宋羅願其庶幾乎國史補自序云言報應敘鬼神徵夢卜近帷簿則去之記事實探物理辨疑惑示勸戒采風俗助談笑則書之新安志自序云儒者之書具有微旨不同鈔取記簿金偉軍明經名途蹇滯有如盛周而掇拾金陵軼事爲待徵錄競競守李肇羅願之志七易稿成此書猶欲然以爲不足問序於

余爰因明經之書引伸之以俟知言者
道光庚子春三月同里朱緒曾拜撰

自序

脩志必奉官檄延搢紳有文名者主持然分任既非一人則撰文亦不一手採訪未能周徧而祕笈莫肯上呈書被催成不免倉卒至如白雲私乘之言敬告明神有知皎日不以爲迂則以爲傲耳向與費君澄之蓋常論議及此而鄴架鮮藏不容白戰也所幸朱述之孝廉不吝所藏許窺清閤乃得援引考據輯纂成編同學欣聞又復各出縹緗共襄紉繆起已亥至甲辰六易春秋七易稿本爲十卷分五類不錄現在生存之人不采恠誕神異之事不入譏刺諧謔之詞志地志人志事志言志物其佳篇迴句一技一才不可湮沒別爲詩話所媿才學識三者無一般望羣公匡其不逮非祇贅一人之幸也甲辰二月金鰲

金陵待徵錄

邑

人

金

鰲

輯

卷之一

志地

江甯府今領縣七溯其初名昇州江甯郡自唐至德二年始景定志名江甯縣

自晉太康始

與地志作永嘉宋白作咸和

原其義顧野王輿地志以江外無事於南浦置

縣曰江甯說較近理

越城即越臺元和郡國志東甌越王所築可辨越女之誣實錄云在三井岡故

望國門西北瓦官寺西偏宮苑記云在瓦官寺南楊吳未拓郡城瓦官越臺

固相銜接也城廣二百八十步明周天球詩內橋南走是長千十里平鋪白

玉盤古長干本不僅報恩寺前半里許

丹楊郡城吳苑記在武定橋東南長樂巷自東城角內外皆是

白下城陳文述據宋書以為白門誤矣

白門古宣陽門乃臺城外門

劉叔向白下橋記謂白

石壘下讀史方輿紀要言今靖安鎮即城基

秣陵據沈文季云未嘗作秣陵機云未下鹽鼓卽秣陵

同夏縣城景定志在上元縣東南十五里今長樂鄉又梁武帝宅在同夏里今

府城七里按此則或以鹿苑寺音今石觀當之誤也鹿苑寺去府城無七里本

名法光未名光宅光宅寺梁建未成

東府城元和志在上元縣東七里此梁以前東府陳徙治府東三里齊安寺西臨淮

水梵刹志謂爲中山東園呂志謂今駐防小門余鴻客已辨之

虎口城明太祖築以備陳友諒見顧祖禹方輿紀要

鍾山修志必以現存者爲証恐非網羅散失之意茲錄陳志所遺及語有異同

者

八功德水六朝事迹編類唯言聞絲竹聲因而得泉覽古詩注言僧金喜禱
於西域栢耨池七日得之所稱功德順正理論作一廿二冷三爽四輕五清
淨六不臭七飲時不損喉八飲已不腹泄稱贊淨土經作一澄清二清冷三
甘美四輕爽五淵澤六安和七飲時除飢渴八飲已長養諸根四大增益種

種勝喜多福常樂又應天志云洪武中已涸從馬鞍山下通出宣德間又竭
正統中復出今之鰲石爲池以竹遞引者卽正統遺迹歟吳雲靈谷志名曰
竹遞泉通論也

普濟寺慶元志云卽頭陀寺舊在山頂後移山下明時麒麟門外有此寺梵
刹志以爲卽古普濟寺固未核然王力說文通釋作力碑文注別有在慶元
志亦未可據也

半山寺卽嚴三求宅有冷然沼翠巖泉見張興公詩其謝公墩則焦若侯金
陵舊事鐘龍軒注最確墩在永濟寺左軒在鐵塔寺我屋公墩祇就望中言之
安石正不曾爭地界金陵亦不必有兩謝公墩

題名石壁在龍泉庵後刻淳熙己酉趙堅李謂道同游等字左側又有陸放
翁題名二石皆行書後正書逕尺僅存洗兵馬及忠執字始見先著詩集近
人跡訪得之

五願樹卽柞木元嘉中百姓祈禱於此見芥隱筆記王安石詩北尋五願謂

此其三楊樹則用李供奉詩也

靈谷鐵翦吳雲志以爲隱天吳鎮之半是也翦上有大吳虎首鱗身可鎮
水怪故以鎮蛟

牛首山與攝山皆采摘仲交志別采他書則悉標書目
得勝村武穆敗金兵於此

天盤嶺牛首分枝詣祖堂路王後邨詩云路迥披雲入松高帶雪看
安初洞盛仲交擇偈中安住初法語名之

辟支洞盛志洞左修廊短楯牆外松篁蔽虧游人步履穿廊而下望之如畫
戶外正對花巖大峰連綿蒼翠

虎跑泉有銘至正十一年立書最美味最冽

地湧泉壁上有三大字又元貞四年等字涓而常盈注而罔竭旁有佛廬坐
墀中則仰睇巖峯出戶外則俯聆泉水

桃花澗姚履旋別墅有桃花澗淨香巖琅茶圃芋菜園古藤墩舊泉茶徑梅

龕霍臯謖謖坡聽澗石

天闕山房朱潤身構詩有佳菊仲文云香生盂水朝鑪減薰根留墀盆夕苔
破色令人棄潭英而不珍拋籬枝而不把

白野山房殷仲溟讀書處

一燈樓見漁洋游記記云窗櫺洞豁下臨無地額爲施愚山分書而俗僧易
以白雲見葑亭詩注

宋妃祠高宗南渡妃留建業善治日疾歿而祀之

王襄敏祠墓在北山卽廬以祀

王成華園成華明縣令歸營此園縱聲色精廚饌博好客名極意供應以蕩
其家吳次尾云據地最勝拓地最廣籬落內高山數里長松萬樹

毛竹園胡芝山詩牛首之東翠屏下愛他幽絕似雲樓

朱氏園謝蕙客詩注下山尋朱氏園主人出鶯桃啖客又別有一洞天
光宅寺張用鼎志梁武帝以宅爲寺未成而梁亡後用舊額移建牛首

竹林寺鴈門集注寺在牛首而畿輔通志誤引

銀杏尹洞山拓秀蔭古今四字於石欄間見盛志

詩竹仲交擇存佳句云青封萬竹朝霞合翠繞千山夜月浮又修竹一方開
梵宇寒松萬畝插浮屠

蘭山中產蘭皆一莖十數花近有一花者葉少而潤色碧香細

石楠白雲梯邊最古仲交云對月則清影堪怡經霜則紅陰可玩文伯仁詩

此處禪房更清絕石楠當戶幽禽啼

鷹嘴石在趙庫村平地起石振羽欲飛蓋曾祖九如公始居金陵墓在此後

攝山

天開巖盛志云俗名汚西凹久失所在以中峯巨石當之僧興善掘地得焉
乃知今之樵徑本甚佳處亂石中一大壁上書天開巖三字真有巨靈擘天
之勢。中峯石杜子皇曰爲石髓龍文想詩序棲霞石最多而冥谷歎爲奇
變不讓天開巖

迎賢石在天開巖後當路之旋折處故名又與中峯正對如迎之者有祖無擇及錢伯奇題名

石房在迎賢石旁懸崖下題唐公巖三字

唐公采行讀張環字讀書於此張洎之孫也

此處石刻

最盛然多不可辨有秋光二字亦不解所謂續建康志云即天開巖

綠蘿菴有吳人刻菩提巖三字壁上一聯云小洞穿斜竹重巖夾細莎

凌虛室下視佛宇上仰神祠一睇而江山盡瞻其前爲太虛亭應方山書額

神祠在山巔按此祠傳爲靳尚爲明仲璋仲交辨之似矣然舊志則固云周

江乘廟

醒石因石凹凸布置參差不知何人所書下即張樵老耕澤題名處又碧蘇

亭三字王仲基記

治平十年
治平丙午

棲霞寺本名虎窟梁王臺卿和簡文帝詩云叢花臨回砌分流繞曲堦

千佛嶺仲交云散步嶺上蘿根隱隱見徐字別薛則題名在焉如古螺蒙非

鼎臣楚金不能。杜于皇詩無限山瘡不可醫山瘡石髓並屬茶村雋語

古佛龕有明太祖馬后遺像

像面多黑子見蘇詩

隋塢王兆雲烏衣佳話趙文敏鐵杖歌藏棲霞山隋塢中

趙伯晟詩細書刻于洞柱淳熙庚子重陽後三日

喬司馬題名云李瀚喬字同游詩有山連鍾阜平開障地俯龍潭半入江之

句

茶張怡與姚寒玉書新茶少許山中所產弟手製也道兄試於揮毫倦時汲
永甯泉烹啜之兩腋當作梅花香

桂史震林西書散記落花堆澗雨發隨流水皆香謂之桂花水

五色土磨之嫩膩可以作字震林題壁用此

方山

東霞寺顧文莊云石林清翠眇然深沈

洞真觀戚氏志名皂閣山卽盛仲文構香茅宇處

張山在瀉化鎮之上莊者舊傳虎洞宮氏泉然秋巖勝虎洞楊柳泉勝宮氏泉

也蘇有游記詳言之

清涼山古無此山近乃因寺名之卽石頭山也。所采多據周慢亭集小志志

無刻本

陶谷相傳以貞白得名與隱仙菴本合爲一有古梅一株郁雨堂詩注汪端

伯居此善吹簫近時張澄齋拓而新之臨江府志

落蘇池

周小志鑿汙來水形如落蘇

居後泉山環濃翠唯嫌遠汲鄰以茗餉乃知此井因名羅兩峯爲之圖

把月亭在烏龍潭太湖石天外與何靜大兄弟吟嘯亭中見億萬荷放億萬

圓光因

慢亭集所居也因以爲字有徘徊處春風第一亭露臺書業書屋綠翔軒晚

翠軒修到軒竹請客退一步識字人書屋

象升山房先之溪詩序覓翠微亭故基路誤得此

掃葉樓在善司廟後卽半畝園也舊志國初掃葉僧居之然僧乃龔半千托

迹繪一僧持帚作掃葉狀耳見盧雅雨說又卽頑山祠陳龍巖太守之遺愛

云親注王氏按周志善司廟對三多里後爲隔塵橋東爲伽藍菴又東熊氏朴

園龔氏半畝園據此又東北茅氏寤園其百歲坊左半壑菴爲黃園陳園二

吉園卉香園曹園二知園西墅園雲半肩澹香園張園匠軒朱園王園任園

丁園纔二十年已變滅如太空雲

清涼寺寺本在幕府山下唐彥謙詩楊吳後乃移石頭事迹編類引飛卿詩誤

矣溫詩作於長安故有玉山藍田語且集一作清源朱述之辨証頗詳

四松菴在龍蟠里小志云菴有三將軍像昔爲防禦巷戰死菴北有收兵橋

三山有四上三山在江甯鎮西李供奉詩屬此下三山在鎮東王安石詩屬此

又牛首祖堂花巖亦名三山朱門之男山女山姑山亦擅斯名雲臺山舊志

未載按楊若偕詩注雲臺左男山右女山或卽志所紀之姑山歟明人紀載

好更新名如清涼觀音云山是也

雲臺始見劉覺岸存徵錄修志因之呂志所據也錄言子重伐吳復見橫山

有白雲觀石龍池呂志刪之其言虎肱洞則通志明著迤西十里呂志未詳且通志已采不得云皆佚石丈人見通志呂志無

觀音山陳文述秣陵集直瀆者古名觀音者明世俗稱其言極當明始有觀音門故因門名山而南畿應天兩志析爲二

青龍山山下余村有鐵底塘核其地似卽鐵冶溝時俗所傳真野人語

龍廣山明崇貞十年內閣于周服建祠於此門額四大字曰道德忠鏡堂設五龕奉文王爲道孔子爲德諸葛武侯爲忠西之次奉關公而東之次則塑洞賓像旁列二碑兩面鐫文文中已有滿營二字仍書崇貞十六年此等謬妄閹奴不足責其蔭甥亦無論當時士大夫皆爲碑記梁構熊昌遇馮元颺是誠何心

吉山以吉翰名翰宦跡見南史循吏傳宋封建成侯

茅山旣附會爲苗山假托夏禹又附會爲勾吳借名太伯甚至遠述高辛杜撰展上公等姓名不獨混康賜印訛言秦璽也混康不幸言中遂啟道君崇異